

壹

齋

集

壹齋集卷二十六

當塗 黃鉞 左田

古今體詩八十一首

乙亥至  
丁丑

新夏園居休直

休直官園睡足時  
日高槐柳綠周池  
將雛燕子穿簾疾  
出水荷花上葉遲  
萬里山川忙裏過  
百年日月暗中移  
也知樽散僂僂鳩  
拙卻媿頭銜是度支

送秦

光辰

之任滄州

誰解因時濟猛寬  
最難爲是牧民官  
清醇要與芳醪似  
盜賊還須赤子看  
無棣新河費疏鑿  
中條舊隄孰桓盤  
清風樓在宜佳日  
暇奉高堂一笑歡

猛雨

猛雨生夏寒孤衾怯清簾燈殘窗未明雲溼星猶斂遙聞雞載號乍見螢一點何處殷雌雷車行聲冉冉

題龔開洪崖先生出游圖

並引

張衡西京賦洪崖立而指麾李善注三皇時伎人郭璞游仙詩右拍洪崖肩注神仙傳曰衛叔卿與數人博其子度曰向與博者爲誰叔卿曰是洪崖先生唐歐陽詹有徵君洪崖子圖賦云矯矯徵君居幽行聞朗詠堯年之日棲遲姑射之雲朱存理鐵網珊瑚載閻立本畫洪崖仙圖東坡跋云先生不知何許人也姓張名蘊字藏真開元中已千歲明皇仰其神異累詔不赴多游終南太華或往青城王屋與東羅二大師爲侶先生戴烏帽衣紅蕉葛衫僕五人名狀各怪曰橘木栗葛拙有白驢

曰雪精日行千里復有隨身之用白藤笠六角扇木如意筇竹杖長盈壺常滿杯自然流酌每跨驢領僕游於市廛酒酣笑傲自若明皇詔圖其像朝夕瞻觀之黃大癡跋云往見錢舜舉龔翠巖畫洪崖仙圖其人物與此卷似而筆路染色各自不同今觀此圖製作皆有唐人法度非錢龔二老可及誠舊物也今內府所藏龔開洪崖先生出游圖景物悉與坡跋合當卽大癡所見龔開之本卷尾有無名氏傳云先生爲張璠晉陽人道號洪崖子開元中明皇召見於湛露殿上曰朕何如堯帝先生何似許由曰陛下道超堯帝臣則德謝許由昔堯帝召許由而不至今陛下召臣而臣來上嘉之拜太常卿累遷至司徒皆不受辭還隱姑射山不復出與坡跋

異神仙有無是一是二姑勿深考若東坡大癡所跋之本朱性父以爲圖畫其誤則較然也無名氏傳拙作咄栗作藤龔自題詩中拙又作茁按拙咄茁形聲相近藤則當從坡跋作栗蓋五僕一驢名皆一聲不應歧出也洪崖先生知有無姓名出處言人殊朱君著錄閤令畫跋語並載眉山蘇坡云明皇徵不赴詔寫其像從山居流傳當自開寶始未應貞觀先爲圖後來癡翁亦有跋製作謂具唐規模又云舊物不可及龔錢二老差不如可知不是博陵筆鐵網枉自收珊瑚此卷當卽癡所見傅色濃古衣紋麤長歌紙尾疏畫意八分自署龔開書先生頎然七尺軀秀逸迥異山澤臞紅蕉葛衫紗帽烏巾竹在手曳不扶精采奕奕風飄須神爲馬兮尻爲車往來終華纔須與奈何猶與人爲徒葛拙栗朮雪雪驢鐺笠如

意杯杓壺雪日千里忽不趨負而鞭者爲前驅最後爲橘爲侏  
儒手持大扇行趑趄誠如闕船張籛條形容盡致堪軒渠見龔詩自  
題藐姑射山先生廬昔住其下三月餘或曾領僕游市衢憐我  
目眯塵模糊我於先生無所需願借河上艸本五千注一校人  
閒俗書之魯魚無名氏傳秦休莊贈先生河上公注五千言艸本如聞先生縮鼻笑我  
迂至人隱見雲卷舒何況語言文字尤區區不聞老子猶龍乎  
吁嗟不聞老子猶龍乎

蕭翼賺蘭亭圖

佛經物色輒自誇琉璃七寶名安如山僧弄物最能久佛骨佛  
牙留不朽何堪片紙靳流傳深藏寢室愚可憐不圖對面爲盜  
賊頓令至寶隨風烟圖中僧俗凡五輩辨才禪榻與客對侍者  
枯腊類愁胡墨色不隨衣色壞座隅執事有二人一髯噓沸爐

火親一童僂僂薦茗器似候湯熟聊逡巡老僧以塵指其掌張

口如聞發聲響書生袖手謬恭敬機心暗與睂頭映此圖跋者

吳說與樓大防吳云已得樓初求更將樓跋與此較彼童書帙

非茶歐此攻槐集云野童自隨亦攜書帙此正畫其納交之時今

也本自是人間有數本難得鉤摹氣淡穩筆蹤簡古狀如生絹素

雖殘神未損當年君臣果有之巧偷真箇同兒嬉度支豈乏千

金值何物老僧求不得早知繭紙歸溫韜不如暗檻猶堅牢紛

紛肥瘦都無用省卻書家如聚訟

乙亥長夏奉 命檢校 內府所藏書畫得觀米芾自

書吳江舟中詩卷天矯奇變絕無劍拔弩張之態與人

閒鑒藏者迥異賞歎之餘謹賦此詩

附錄米芾朱邦彥自秀寄紙吳江舟中作詩昨風起西  
北万艘皆乘便今風轉而東我舟十五緯力乏更雇夫

百金尚嫌賤船工怒門語夫坐視而怨添棹亦復車黃  
膠生口噤河泥若粘夫粘底更不轉添金工不怒意滿  
怨亦散一曳如風車叫噉如臨巖旁觀鸞寶湖渺渺無  
涯岸一滴不可汲況彼西江遠萬事須乘時汝來一何  
晚按噉當作闕寶今作  
脰紹熙雲開志作寶

雲物龍蛇森動紙光怪逼人驚欲起不解公書筆筆超但覺我  
書筆筆次或如寫竹葉乍抽或如古木藤交樛長風送帆千里  
疾駿馬縱轡懸崖收人閒藏弄知多少敗擇紛紛盡可掃道子  
天人自有真葉公真龍乃嚇倒此書此詩兩崛奇我欲逢人說  
項斯心知其妙道不出天上玉堂誰見之

### 宋徽宗畫聽琴圖

圖畫一元裳道士中坐鼓琴左右二人俯仰作諦聽狀  
高松一株凌霄婁絡其上花一一可數當松之上蔡京  
大書一絕句殊無人臣禮左方有徽宗瘦金書聽琴圖



三字有方復有御押向藏真定梁清標家康熙丙寅重  
背仍用宣和時直幅橫裝式押縫政和小璽固在也今

歸內府

帝子神霄鼓玉琴左元仙伯獨知音可憐不解田文泣猶作秋  
蟬自在吟

一曲清風萬壑哀松庭隨意坐莓苔陵苕特也無知甚故向蒼  
官頂上開

可是東都舊主賓俯聆側聽各凝神試看緇服黃冠者多恐君  
王自寫真

米友仁五州烟雨圖卷

卽江邨消夏錄所載者

三日困溽暑一雨蘇衰慵捲簾看西山失卻牆頭峯因思五州  
邨動盪來心胸矮紙僅三寸千萬雲山重雲橫如水波山好如

芙蓉天風一吹蕩闔露何丰茸我本浪游人黃海曾支笻朝看  
天都見莫對蓮花封恨未將虎兒收攝歸筆蹤至今一追憶滿  
眼青山濃

憶季高

花發同君來花開送君去君行遽幾時花落已無數高榆橋上  
陰垂柳樓前路幾度獨徘徊惆悵斜陽莫

子卿出守江蘇至熱河請對留詩爲別久而未報聞  
其已補徐州作此寄之

贈詩老嬾未能酬

歷鹿征塵葛換裘命酒餞君臨紫塞讀碑記

我上黃樓黃樓有蘇子由黃樓賦碑余曾至其下風雲氣壯憑懷古鴻雁聲多易

感秋兩度扁舟曾喚渡幾時乘月更來游

河流城上走奔雷捍禦頻驚羽檄催也解兩姑難竝事當思教

婦在初來行春車要塞帷過延客堂須待蓋開家有青箱留奏

牘休忘選擢自南臺

君曾奏請纂輯治河方畧得允

山多境塙費犁鉏州傍河壩少積儲此日俗惟爭佩牘當年計

止免爲魚思謀恆產先除暴欲識王章教讀書我本老生老

無用常談供爾一軒渠

平生師友更昏姻秋辦冬鑒共苦辛小別五年如范陸

石湖與放翁別

輒五年見石湖詩集余與子卿四十年中先後相別亦不過五載

一邨何日聚朱陳得歸毋待

山資足有暇還令卷軸親莫羨繁雄求劇郡須知官職爲他人

鳳從避暑山莊至上蘭紀事詩

昨宵猛雨走庠奚雲外長城極望迷何意四更寢中過關門已

遠始聞雞

捫參歷井到天門萬馬驕嘶不敢奔我昨肩輿過平定羣山視

此直兒孫

平定州亦有南天門

後挽前推不可行山高泥滑石縱橫駱駝連鼻車銜尾竟夜泉

聲和雨聲

青石梁遇雨

樓臺金碧李思訓市肆繁雄張擇端不用遠搜唐宋蹟天然畫本在興桓

僦直人教一吏偕金題玉躡互編排歸來捫腹真叨竊日飫

官廚

松鶴齋

奉命於行殿之東松鶴齋檢校書畫並日給飯食瓜果

行殿西偏直舍開松陰亭午獨裴回銀盤鹿肉蒙分

賜道是

君王親射來

香艸丰茸三尺羸據鞍似踏綠波行怪他馬耳雙尖浸盡作春

江風雨聲

馬入峭地一聞州香則羣嘶爭齒

但聽河聲不見河羊腸一綫州中過經行澗處臨流翫訝是廬

溝卻白波

伊遜河俗名羊腸河窄處多爲豐州所被水色若黑勺之仍清流也

一林霜染一林紅閒厠千巖萬壑中定是黃姑助青女織成幅

幅錦屏風

彎弓盤馬上嶺岈徹夜周陆不卸鞍失笑冬烘無倚著圍爐

帳尙憎寒

長松青翠列平原似有人家雞犬喧知被仙靈相占斷此閒元

是古桃源

花朝對雪

九九昨盡今花朝堅冰在硯寒未消山茨水檻寢不到命酒對

雪歌無慘人言畫似兔毛褐自笑書亦鸚哥嬌蹉跎老矣百無

用尊前白髮風飄飄

穀雨日游清泛園次程助教厚韻

流光如馬奔難御不管堂堂春欲去餘寒三月尙兼衣穀雨今  
晨始暄煦屢思腰腳散痺頑巨耐心情輒乖互良辰驀記舊游  
蹟嘉客招呼領華據欲憑十畝好園池一洗經年夙塵霧乍親  
水竹意蕭閒似觸機鋒頓開悟蓬門開任綠苔生柳橋劣可芒  
屨步敗舫依然前度橫花源不見漁郎溯看竹林無徑造人窺  
魚汀有飛來鷺念昔荒寒剩一亭載酒初偕朋輩赴縱橫野水  
長菰蘆欸乃空思聽韶護辛丑游此池水頗寬而無舟是時花木頗紛敷澤  
雨陂池未填淤暫過旋驚舊境新重來不識從前路豈惟主者  
易再三劇憐吾亦成今故爲舉園名世不知幸有丹青圖未汙  
辛丑見壁上詩石題爲清泛園今無人能舉其名矣嘉慶癸亥俞小山招游余曾繪圖自是子卿葉山皆有作四十年  
來一刹那可歎人生若朝露對酒當歌君莫辭醉歸何礙車茵

吐卻笑人偏山水廉非關我獨烟霞痼惟慚忙苦少閒樂如值  
調飢不能餽好語當階紅藥知開時有酒還應酌

齋中襍花盛開漫賦三絕句

又費東坡幾畫叉買栽躑躅載專車那知三月新安路開徧春  
山不算花

江南二月杏花時北地春寒開較遲卻被山桃賺消息牆頭先  
放兩三枝

珍重黃鸝幾箭蘭如徵高隱到長安寄言安石今須出不作尋  
常小艸看

江鄉呼春蘭爲艸蘭索  
值甚賤京師不易得也

送吳

信中

修撰典試廣東

龍頭早歲飲香名

詔簡西清藻鑑精雲笈未登羣玉府星輶

先指五羊城

時編次祕殿珠林石渠寶笈  
三編共八人君先被恩命

撥珠澄水應無類攀

桂淮山卻有情盼爾遄歸同瀑直酒邊聽話海波平

六月十二日以料理錢局不善蒙 恩調任禮部右侍

郎恭紀

度支謬領媿非才

聖主優容實幸哉園法未能諳九府禮儀仍許習容臺書銜雅  
與冰廳稱畫諾曾無熱客來更喜遠人航海至賓筵何意獲躬

陪

時英吉利國  
入貢將至

園居曉晴

猛雨三更晴池光散初旭荷花開已稀荷葉洗夏綠清芬時襲  
衣秋氣涼滿屋何處鶴一聲居然在空谷

對雨述懷

眠時天宇晴睡覺雨聲大蚊稠苦鬱蒸輾轉久難臥攬衣起開



門默默看雨坐西疇多高粱東皋富黃穠胡爲耗太倉一粒不能播負茲時雨恩難免百日餓

我家本當塗僑居於蕪湖四傳及我身貧到錐也無廿年官爲家故里宗親疏不因有墳墓幾成無籍徒

君恩濫叨竊謬作卿大夫司農復宗伯職在教養俱一身尙如此况復他人歟

我有五男子三子青青衿屢入澤宮射不聞中鵠音謂是荒于嬉章句時披尋人生貴無忝何用皆華簪會當荷鉏犁相率歸山林樵毋憚山高漁勿嫌溪深

我生亦云勞我老似當佚七十古來稀今已六十七作畫不滿厨賦詩僅盈帙暇取陶我情求知固不必赭山陶塘閒水木頗明瑟築堂歸去來及此未衰疾

題畫爲程勤齋助教作

經年不作畫面上俗塵滿積雨生秋寒興到偶拈管滿眼皆古人落筆來頗罕都緣清俗殊兼之臨摹嬾幸有門前山腕底青未斷但慚亭中人看山獨蕭散

君家近黃山日對峯六六渴飲翠羽茶飢食黃精粥雖非仙者居自足山林福我亦曾往游天都翫飛瀑此身忙苦櫻此境癯寐熟願君攜此圖爲我買山屋

秋夜

纖月出喬柯秋風老芟荷林光感烏鵲露氣耿星河未免長年歎難忘對酒歌此身信飄泊歸計久蹉跎

白髮慚先達青雲屬後生居然忝簪紱何者是功名山果經秋實巖花著雨榮裴回風露下孤負短燈檠

劉肇均主事招游那園

劉君招我城南游云有池館臨芳洲紅塵眯眼甘季久正欲一

洗青瑤流纖雲四卷天宇淨單衣乍試涼颼秋入門有橋跨溪

水循廊陟磴躋崇邱虛堂密室極精緻蕙樓蘭橈窮彫鏤玫瑰

糝地石萬里玻璃倚壁屏森修中堂三楹發大理石爲地旁列玻璃屏高幾及丈窗綃

斷裂難悶豔壁畫剝落涎蝸牛摩挲几榻憶佳日定陳竿瑟揚

清謳何時風流頓消歇使我目擊增煩憂有如天吳綴短褐又

若鞞補千金裘蛛絲蟲網顧不樂舍之竟上沙棠舟乃知茲園

在中沚千章襍樹環而周我聞韋霑園近宏善寺荻花蘆葉溪

堂幽四圍多水蔭佳木斯園豈卽韋園不是時貂璫競佞佛兼

營別業差爲優三百年來易幾姓詩篇空復傳王區韋公寺在左安門外

二里明武宗朝內侍韋霑建賜額宏善寺寺東行一折有堂堂三折有亭亭後假山亭前溪溪里許蘆荻滿其中又韋中貴

別業四圍多水荻蘆花寒雁秋風令人作江鄉之想王世貞  
有韋氏水亭詩區大相有游城南章氏園詩並見日下舊聞今  
園正在宏善寺東或卽其遺址國初王宋亦有句看花似祇登僧樓園時或  
已屬安邸西陂載酒曾夷猶王漁洋宏善寺看海棠詩不知冷  
仲過章公寺詩竟阻尋幽興空嚮作賦才閑尊思兎苑杖策過  
香臺自注是日游安親王園不得進而返似當時章園已屬安  
邸不知今者又誰氏笑我看竹同王猷今土人或呼爲隆家園酒  
酣扣舷發浩歎雁鴻爪影誰能留汀楊浦蒲風響采但聞蟋蟀  
吟啾啾

范梈生太常舊宅在櫻桃斜街余館其家前後幾十年  
聽事老榆猶余昔時手植今已出屋尋丈矣三冬入直  
日夕過其門感而有作

曾記琴書舊所依屋廬猶是主人非不須更訝須眉白手種榆  
今已十圍

旅食京華劇苦辛輒因車過感前塵而今踏鼓趨公者卻是寒  
廳擁絮人

多君豪似張平甫憐我寒如白石儔聞道孫枝材中管爲慚無  
力致方邱

攝生孫某大興諸生今年余主順天鄉試失之甚可媿也

題元顏輝陶學士掃雪烹茶圖

笑妮蛾眉絮歲寒梅花爛漫雪花殘不知掃雪烹茶者可似郵  
亭秦弱蘭

壺盧依樣畫年年禮艸當時太急煎不必覺姬言可媿應憐頭  
骨未貂蟬

季高歸孟縣余時倅直西園作此送之

今日天氣佳適我西園館開我池上軒池冰猶未泮虛寒室不  
溫頗費地爐炭鋪牀思偃息明月照簾幔忍寒翫清光獨就林

閒看

獨看情不歡言念將歸人十年從我游跋涉忘冬春豈不樂晨夕高堂有老親男兒貴曠達底用憂賤貧況復當盛年爲德方日新思貽令名歸勿厭京華塵行行重來游知己終當伸

知己伸何難良金必就冶古來賢豪人大半出幕下寅入申始歸晨書暝復寫殘杯與冷炙感嘆知音寡但聞三上書不見萬閒厦青雲雖有路此道眾所假

我昔少賤日旅食歲奔走日寫書萬言夜閱文千首簡翰復襍投十嘗荅八九暇輒爲詩歌投瓊而報玖是時主人誰吾師盤陀宴愛我如子弟期我意良厚終焉出其門謬廁大夫後子才如圭璋特達偶不偶當思萬人敵勿作畫地守持歸詢高堂此論然乎否

初春懷子卿

時因事在邳州

艸色含青冰泮池門前楊柳弄柔絲  
一年最好初春候百感都歸  
獨坐時江寺看梅人影亂寒廳酌月漏聲遲  
可憐老守情懷惡手板趨風不暇思

憶湖上再寄子卿徐州並柬葉山淮上

陶塘塘水碧于澱鐵佛梅花落如霰綠楊邨店酒人多翠黛芳隄  
游女徧冷吟閒醉幾經春一別廿年都不見彭城老守昨同舍  
葉山樵者今異縣當時膠漆剩二君此日參商艱一面黃流撼  
郭怕登樓白髮依人猶抱硯依然車笠盟未寒但恨雲龍身不  
變聞說江梅頂已髡旗亭亦改閒庭院

鐵佛寺梅頂已枯湖上移封館酒肆與別

駕兆雲修葺爲別業

宋莫伽藍記者誰彫零舊難爲傳園居又落上元

鐙鄉人空約春宵讌詩緣感舊句多陳貧到無家歸亦倦臨風

南望寄相思天際飛鴻真可羨

嘉慶丙子十二月十九日徐州太守王子卿以東坡生  
年生日偕幕客及其子登黃樓拜公像賦詩見示作此  
寄之

公生景祐歲丙子至今懔懔猶未歿公年四十守彭城至今壽  
欲齊商彭繼公作守凡幾輩誰使徐民頌遺愛宋莫黃樓八百  
年惟有青山靜相對王君舊是玉堂仙到郡偶值公生年登樓  
拜像薦脯酒繪圖召客賡詩篇我誦其詩憶公作公守彭城樂  
復樂豪從雷勝獵城南閒就山人攜妓樂知名坐客并餘人更  
來愛弟兼嘉賓中庭步月南臺夜洞簫臨水桓山春君今冷落  
誰爲友但聽哀鴻驚出走時徐州有水災惡客幾人時復過清興三年  
亦云偶須知公初亦良苦河決澶洲侵濟楚水流城下作鼉鳴



人立城頭浴飛雨公才雄偉古所難築隄捍水須與安豈僅兒  
童免魚鼈直將歌舞慰酸寒願君且勿憂河流願君且復勤登  
樓若者當復誰當修今之視昔然乎不壽公三爵公其畱

澄懷園直廬海棠

前歲繁花真一癡

乙亥花最盛值屢從朝  
未見海棠真一癡東坡句

去年綠葉但成

陰

丙子無花

何期好雨連番足爲染紅雲一色淡伴我頽然時獨醉

憐渠豔絕許誰簪莫辭燒燭殷勤照恐負芳春卻費尋

漫興

平橋水暖魚苗聚擘柳風柔燕子高  
鷺見海棠紅滿樹誤他翠羽啄櫻桃

藥枝破萼丁香放幾度尋春欲命車  
昨日山僧附書至牡丹穀雨尙無花

理徑教留諸葛菜編籬爲引驚絲藤老夫笑有和生癖手捋榆錢帶糝燕

濟南試院海棠泝雪綻霞鋪四照樓孤負名花到今悔開時卻在海東頭

甲戌二月  
按試登萊

### 曉至盤山

月落烏曉過薊州曉寒猶戀舊羊裘雨師似爲山靈媚膏沐烟鬢翠欲流

谿杏山桃碧葉新落英時復見繽紛馬蹏鹵莽真堪惜踏破田盤滿地雲

盤陀石似團茶纍偃蓋松如翠幄低雨過松毛香不斷雲歸山路徑全迷

三月廿五日蒙 恩調任戶部左侍郎恭紀

支計書生本不諳  
況兼泉府力何堪  
躡躑溪澗臣資薄曲宥偏蒙

聖度含合浦還珠  
人競羨入園委韭  
白懷慙頗知舉筆  
民生繫元凱前頭  
敢妄談

題暉

壽平

荷花卷

傳神太似包山子  
疏野遺形陳白陽  
要識南田真妙處  
腕中直是有徐黃

蓮蓬已老葉聲乾  
一朵凌風尚未殘  
恰似澄懷秋雨後  
近光樓下月中看

七月廿四日曉抵熱河仍寓承暉山館

門巷重尋曲徑斜  
借巢梁燕又成家  
藜思扶老堅堪杖

庭中藜條高八

尺許粗如竹

萱解忘憂晚尙花  
掃徑苔痕青入榻  
拓窗山影翠橫紗

卻憐衣上宵征雨欲曝中庭待日華

由師子園西望鍾峯始知水經注孤石雲舉臨崖危峻  
形容之妙爲賦一絕

千山合沓白雲封雲裏芙蓉露幾重不向師園西面望那知石  
挺是孤峯

八月五日夜雨

早眠不待見天星旅寢頻爲夜雨醒絕塞雲連千嶂黑近窗風  
颭一鐙青蕭蕭涼擁衾裯坐斷續聲和蟋蟀聽秋稼今季遲卻  
好垂成豐澍幾番經

次韻題曠園

園爲鄂貝勒  
熱河行邸

依光行殿地原崇收拾餘波綺麗中羅帶一灣濡水曲畫屏  
四面塞山宮雅歌自愜園林趣華轂都無許史風壁月正圓秋

正好良宵莫遣酒杯空

嘉慶丁丑八月晦日

上幸阿濟克鳩大獵

召臣鉞

賜食觀圍並奉

命繪圖賦詩其上恭紀

我

皇纘武式舊典上塞年年事秋獮天關圍場千里遙山作重關

互肩鍵溪林巨木任榮枯春獸秋禽自氄毼山莊八月顯氣清

大綏西指層崖轉狡騎驕嘶識艸香明駝爭圖知泉善前驅整

暇屬囊韉後隊纘紛按鷹犬自有藩王諸部從不煩六郡良家

選玲瓏山東小巖峪

阿濟克鳩漢語小巖峪

蘿碧杉青路悠緬此是周陟

第九圍麇鹿由來最孳衍

詔許

微臣

囊筆觀

賜食璫廬荷

恩晒龍驤虎旅意氣豪紅樹青山畫圖展欲摹粉本目易迷

俯伏幔城豪屣吮乍窺人影闌山顛旋聽呼聲震崖巘須臾魚  
貫相屬聯倏忽林叢列嵯嶻騎如雉堞山似城弓競驅弦箭爭  
撚兩翼飄搖旛白紅黃雲一簇中天卷斯時羣鹿正狂奔萬足  
飛空塵不踐竄伏俄驚陷脰僵突圍未見逾山免那暇呼羣相  
顧鳴惟餘吐舌偷殘喘昨者深叢殪巨羆今茲攀石號乳贐金  
鎗一發捲其喉雪爪霜牙立時剪重馬駛來風尙腥汗血交流  
溼鮫韞

至尊一笑顧虞人暴者宜除惡宜掬臣聞成周蒐岐陽規格于

時猶未顯宣王中興賦車攻獵碣始創史籀篆伊洛溼潤地幾

何準之當今直小腆子雲相如擅言語上林羽獵何膚淺浮夸

失實誤用心曷怪青蓮笑其褊李白大獵賦子雲相如競誇詞賦歷代以爲文雄莫敢詆訐臣

謂語其大畧竊或褊其用心何如我朝六合爲一家奔走名王足重繭獻

壽交擎萬歲觴從禽爭拔金根輦校武羣希驃衛勲獲雋時蒙  
簪紱勉

習勞肆武柔遠人三善咸賅一舉藏惟媿丹青貌不工欲寫威  
稜才恨謫誰歟濡筆撰鴻文臣請摩崖剔蒼蘚

經玲瓏山下作

丹里峯巒杳靄閒焜黃老綠錦煥爛誰知絕塞烏桓地乃有南

宗設色山

攬轡風前袖手藏忍寒貪看好山光尙嫌紅樹今年少櫟葉千

林未飽霜

伊遜河東食細鱗魚

卓歇伊遜

平

上秋風落葉初何圖木蘭塞重見菜花魚鱸魚初出者名

菜花魚曾於吳江舟中食之茲魚巨口重脣身有微斑酷似其狀

在遠未諳餌忘機乃誤渠晚

餐輒停箸不敢當園蔬

半截塔

半截塔在齊爾博庫南約七八里有土堆似牆垣徑圓可里許中存一門低不可入門前後有碎琉璃瓦數堆色黃碧尙可辨塔大小二大者在土垣內門後稍東頂已圯小者在土垣外東則上截全圯矣門外有斷石一猶存鱗爪形爲龍爲螭不復可辨又數石上刻馬跡狀未審何用土垣外置碌礧二一完好一破碎矣按查初白和揆愷功半截塔歌未嘗言有二塔注但謂元某萬戶夫妻學道于此則此地當是佛寺遺址土垣外圯塔其萬戶夫妻埋骨處耶碌礧或當時寺外有田可耕耶今行者至此必剗取圯塔石灰爲金創藥又或稱爲元



至元時所造殊無証據因卽所見成四絕句

外塔頽然內僅存四圍尙有古牆垣不知題識誰經見賺得行人說至元

瓴甃崩摧剩劫灰依然雙峙傍層臺細吟初白詩中句似未親從塔下來

遺蹤依約像招提應是劉綱舊所棲爲按山門尋殿瓦分明幾簇碎琉璃

誰解牽牛此佃田猶餘礫磚臥蒼烟于今塞艸黃如稻卻似當年刈熟天

甲戌冬何上舍

耿繩

招余及子卿小飲出示王教諭

芭

孫

贈其尊人蘭士太守董文敏畫稿披覽不覺失笑乃

余在朱文正公浙江學幕中寫贈青浦廖

閩

者爾時子

卿同在幕中猶及見之上方尙有題句不知何時爲人  
裁去流傳松江爲王君所得以其無款遂以爲董筆閱  
三年耿繩乞書其事因題二絕句

書窗浣壁曾兒戲不料流傳誤弄藏卻笑孔融太輕忽虎賁那  
得似中郎

孰爲董巨孰迂癡塗抹何曾目見之今日胸中有成竹惜無清  
暇似當時

嘉平廿一日爲長孫安桐娶婦四兒足民寫棠上雙喜

爲壽因卽以爲戊寅歲朝圖蓋距立春僅八日耳

滿耳笙歌滿目花滿堂賓客笑言譁老夫也覺情懷好真是春  
生娶婦家

壹齋集卷二十七

當塗 黃鉞 左田

古今體詩六十四首

戊寅至庚辰

書曝書亭集後

博物研經世所知文章爾雅亦堪師  
誰知誤學先生者專讀風懷一首詩

天道盈虛測本難等閒莫作一般看  
會真記後身猶相竟奪先生七品官

少民南歸

送爾江南去鶯飛艸長初到家  
先上冢慰我早來書弟妹須身  
教親知勿飭疏卻憐歸亦客何地是吾廬

黃樓爲子由自徐赴南京東坡送之  
出東門登城上覽

山川之勝云此地可作樓觀於是東坡始有改築之意  
子由去之明日而河流至後河復樓成子由爲作賦東  
坡以絹寫爲六幅圖今碑刻在坡上者豈卽其本歟嘉  
慶戊寅二月二十日子卿太守因樓中竝祀子由子由  
爲寶元二年己卯生茲樓之築實子由所卜地而太守  
生年又與之同乃依前歲丙子壽東坡之例賦詩刻石  
索和書此荅之

黃樓突兀徐東門始基頴濱之所卜築成爲寄賦千言坡老手  
書圖六幅當時百日從兄游逍遙堂中纔信宿何期竝坐在樓  
頭七百年來聽雨足前年丙子坡生辰明年己卯壽頴濱連年  
太守頗好事將毋二老君前身況復生年正在卯早歲從師曾  
學道

子卿從先師朱文正公游得吐納之術

天資自昔和而清與我交游最爲早

我亦明年開七表百不如人老何惜只餘一事似頴濱歸去鄉

園無住宅

子由李方叔新宅詩我年七十無住宅

雌甲辰大戊子富貴浮雲笑必

似昨聞太守禱雨雨滂沱家飽麥飯舞且歌能爲父母卽召杜

後賢豈讓前賢多可知愷悌神所勞但肯勤民無不報君不見

績溪亭子萬山中至今尙有來蘇號

來蘇亭在績溪爲子由築也

沈太守

清任

摹石田翁山水卷爲阮刺史

文壽

同年題

太守字莘田號澹園杭州人

我觀石田西山秋色圖巨卷十丈牛腰巖縱橫老筆寫林壑昔

點大比城頭烏長歌自題何浩瀚大書卷尾當畫半昨從寶笈

得快觀祇今目想惟嗟讚阮公貽我畫一軸邀我題詩詩滿幅

因循兩架已三年忽漫披圖認石田指摩老眼細詳審恰好丹

青人沈卻把莘田換石田筆蹤墨法蒼茫甚謂擬家藏石翁

本雲白山青氣淡穩秋林紅壓釣魚船浮嵐翠溼眠雪枕沈公  
觀察來江縣玉立長身我曾見到任涪翁即罷官抱書移主中  
江院乾隆戊子己丑閒沈曾任蕪關道緣事鐫級  
遂留為中江書院山長旋補蓮花廳同知中江席煥復  
幾時征帆又挂楚江濤但知使者兼山長誰識經師亦畫師五  
十年來見遺墨幸我題詩人尚識不意紅塵眯目中重覩西山  
好秋色知君兩世愛畫真是時沈在梓州為文肅  
尊公棠邨先生所作紙墨依然色  
斬新他時譜史傳宗派好與東陽作替人

題趙舍人鉞菊隱圖

分秧掇葉竹籬邊涼月清風自結緣怪底先生有僊骨一生長  
對傳延年

不因高潔慕淵明手種黃花識性情卻被時賢誤推引頭銜新  
換隱君名

題露筋祠禱冰圖爲陶給諫澍作

孟婆司風青女霜管領冰凌誰所當帝曰節媛此其職玉潔合  
與冰爭光叢祠千載江淮重糧艘祠下分風送榜人正打回帆  
揭雪屋濤山一宵凍岸上傳呼使者來千夫椎冰冰不開爲文  
升香禱若應東風旗腳吹高桅須臾船行如碾玉依然萬頃玻  
瓈綠銜尾連檣次第過經旬盡渡黃河曲明年疊臣合詞奏飛  
輓頻年荷神佑

天子加封賜榜書丹堊重新煥崇構

嘉慶丙子夏得靈普惠之神並

旨封昭賜祠名

貞我聞退之禱雲開衆峯東坡海市見於冬或言正直能感通  
應或言造物哀龍鍾須知二公遭逢時不利偶託詩歌作游戲卽  
令山海鑒精誠無與民生與國計何如禱冰冰爲漸七省轉運  
無愆期陳陳相因太倉粟使平使平真不辱

戊寅十一月廿八日

恩賜禁中騎馬恭紀

天馬來西極年年貢 玉墀頻蒙仗下

賜又許禁中騎乙亥丙子伊犁將軍驗齒驚殊衆憐衰荷

曲慈徐行畏顛蹶攬轡媿權奇

己卯元日 太和殿宴歸書歲朝圖上

壽醺先開十日春 大廷踟濟百寮陳座中若有疑年者臣是

中朝第十人大學士明公年八十五協辦大學士吏尚戴公戶

御史穆公皆年七十餘鉞亦今年七十矣

白髮尊前老孟光兒孫繞膝榮成行青氍便是傳家物金玉何

須要滿堂

日騎瘦馬出東華 恩恤衰庸齒漸加慙媿直歸無一事白斟



春酒看唐花

次韻錢侍講

林

盤山月下看杏花

松顛推上田盤月杏花欲化嫌山雪夜淡花月自相親那識行人嘆奇絕此時山客已早眠此境人閒卽是仙慙媿花時等閒負滿身塵土自年年

次韻奎學士

照

盤山月夜杏花

廿年五度到三盤恰值春林杏蕊攢自見漫山花爛漫始知淡巷句酸寒紅雪倒燭天疑曙碧月當空夜未闌輸與集賢諸侍從不辭衣冷盡情看

三月廿二日隨扈南海子避風海戶家戲題其壁

風卷氊廬不可棲  
躔依海戶一椽低  
石田茅屋平生願  
惟欠春山雨一犁

呼僮屋壁掃烟煤  
艸艸題詩笑口開  
留取舊聞徵故事  
此閒是我避風臺

南海子新衙門延祐元年鐵獅

鬚獅幾度手摩挲  
爐戶題名字未磨  
一事怪他難鑄錯  
濡豪惜不倩鷗波

寫出吞貔拉虎姿  
何人體物賦新辭  
梅邨樂府工無敵  
卻與田家詠鐵獅

滄州殘蝕金陵遠

上元有地名鐵獅子衙相傳亦元時物

南北崢嶸僅有存  
爭似

金猊屹相向  
年年羽獵守官門

半壁店望大房山

亂石艸橋閒潺潺  
水一灣市聲半壁店  
嵐影大房山目極流雲  
淨心隨倦鳥還  
何時尋六聘策杖恣躋攀

四月十二日偕祁吉士

舊藻

及弟

衣

大兒

初民

游崇效

寺看牡丹戲作

笑余頗似京城僧參禪宴坐百不能粥魚一響履聲動披衣不待雞鳴興惟餘一事遜渠樂栽花種竹連溝塍意渠未必果樂此欲招游者施金繒宣空門南棗花寺繇英滿院紅霞烝兩年未到不關嬾三春扈蹕從朝

陵今年夏閏氣候晚歸裝纔卸經樓登丁香成陰海棠謝衆葉一碧如波澂牡丹新妝恰端正成團胡蝶天香凝慈恩殷紅品絕妙太真卯酒嬌難勝氛氲似人衆香國照耀無盡千枝鐙裴回花畔不容醉戒律未免令人憎須知佛亦好米汁棒喝豈必儒冠懲蓮龕彌勒笑開口禪房畢甕空何曾

四月二十日香山直舍還澄懷園

罷直仍歸直，匆匆五日閒。新篁高上屋，古柳綠如山。未撥開尊醉，先謀解榻閒。落英紛滿眼，無暇送春還。

食筍齋前叢竹發筍廿餘竿

牆根舊種竹，檀欒去歲添。栽數十竿，一昨春陰經雨足。幾番纖筍出檐端，平安不藉家人報。憂護還同稚子看，何日齋名真副實。老饕竟得滿槃餐。

檢戊辰山西行卷錄存四首

再宿虎亭

今俗作虎

崔生遇虎虎褫皮，爲偕伉儷生兩兒。重來覓皮復化虎，虎亭名遂譌爲褫。不知肇見漢書地志，水經注上有虎亭。下虎聚至今，漳水流其南，不比潞州已無潞。吁嗟乎漳水湯湯亦非古，挾石衝沙無定所。聞說亭前水漲時，六月灘聲正如虎。

神池

邊牆缺鑿遠參差  
枝麥平原緣故遲  
可惜山城名不稱  
一窗明

鏡失神池

神池縣城西有池一湖旱潦不竭歲久爲農民侵盜已就湮塞乾隆戊午知縣李誠蒙爲疏濬湖田三百

一十五畝有奇今又淤塞甚可惜也

白長子至高平作

奔季歸路經張店  
準擬今春看牡丹  
可惜來時花尙早  
含苞猶

白恹春寒

張店真茆廟有牡丹一叢高六七尺作花數十朵尙未放

四山雪淨莽春耕  
飯罷肩輿倦眼明  
松柏青青杏花白  
長平并

里到高平

夏日園居禱詠

蝦蟆更歇東方白  
池上肩輿里許長  
抵得臨平蓮蕩路  
荷花世

界柳絲鄉

散朝歸自內書堂時有官花遠送香如意門東大三昧過橋流水碧湯湯

退食褫衣食筍齋閒庭雨過地生苔忽驚濃翠明人眼帶露牽牛一朵開

追涼獨臥北窗風宋莫荷花廿載紅何意簾櫳見紅裊有人春

筍剝蓮蓬

園中二十年無挈脊者近始有之

買魚沽酒不論錢特爲荷花作壽筵我昨重來修故事風流歇絕十餘年

到門車馬絕風塵鎮日溪堂几硯陳未要辛勤誇僦直簿書堆案又何人

更無人與話連牀直伴凋零半在亾可笑老夫纔七十此身已作魯靈光

積雨園居家人報第三孫生喜賦

溼雲如倦客坐睡撼不醒清風若高人隱處費敦請自從入秋  
來雨勢甚豪猛避漏移匡牀處溼墮簪井城垆隔音問曉夕盼  
雲景遮眼但看書破悶惟潑茗家人報生孫慰我久延頸十年  
未添丁是日恰逢丙因卽以命名庶幾副明炳喜氣逗初晴老  
懷爲一騁巡檐翫竹叢娟娟愈修整新筍已過牆又生十餘挺  
次韻郝孝廉臺魁雨宿東石槽卹舍七月二十日

荒邨難覓贊公房逃雨聊棲避漏牀

屋僅一榻

一室肯容元亮膝千

金誰問陸生裝

時隨扈者行裝皆未至

不須傾聽愁終夜卻惜豐收損萬

箱坐待雞鳴疑月出映門流水白生光

次韻度灤河橋

官橋臨上塞秋獮度河時急浪衝虹斷崩崖驅石危經營人力

瘁瑟縮馬蹏知把燭成逾日誰題杜老詩

八月七日承暉山館作

山館經年別秋風吹又來情嗤三宿戀棲僅一枝纔稚柳陰加  
密戎葵花尙開安牀吮吟筆不怕雨頻催

積雨泥成海驚湍渡斷橋都將行李滯難騁紫駟驕回首荒城  
住愁心上塞遙

行李爲水所阻隨  
扈懷柔縣城四日

何期對明月把酒坐疏寮

旅居卽事

趨公天未明退直日過午閉門謝交游荒庭類老圃杏葉沃以  
光柳條柔若縷蓼花紅可憐菊蕊碧初吐青葱菜一畦玲峴蝶  
交舞那復知塞垣恍惚歸吾土寄心偶足歡于時聊語語明月  
照酒杯何者爲煩苦

所居近塵市浩浩千萬聲東家鷺鴨鬥西鄰器鏘鳴唱賣聲百



出一一物可名是心若盆水澄之終日清喧索不相干有如隔  
重城既無判牘勞敢廢炳燭明人生本逆旅底用分居行時還  
讀我書庶以全吾生

寄子卿徐州

時河決  
蘭儀

此地與君別于今已五年秋風猶上塞濁浪又兼天城竝魚龍  
宅人誰賈讓賢真成命分惡南望一悽然

憩姝像寺

道經梵宇憩行軒扈從晨歸師子園風鐸迎人如有語文姝高  
座默無言松陰滿地日初上苔磴梯空路絕援猛記清涼舊游  
處流光已度十寒暄

文姝塑像一依  
五臺姝像寺

寄二三兩兒

青衿五男兒屢舉不得第官卷額二人科場有定制卽今全獲

之尙遺兄及弟況復百人中文筆頗精銳以茲貪得心遂作分  
試計今年歸無資非關止者泥大兒本家督心爲米鹽繫季子  
避婦翁足民爲子卿婿子卿守徐州所屬人開例當迴避阿完病留滯坐是壁上觀有  
若門自閉惟餘二三兒橐筆此戰藝昨朝試初場猛雨喜新霽  
文字知如何所願無障翳新妝苟端正何必慕時世得固足欣  
然失亦終必濟矯首雲間鴻專俟彎弓羿

八月十三夜灤河客舍與楊舍人

鎮源郝孝廉臺魁對

月小飲書寄

初民

兄弟

涼天佳月卽中秋東坡語言妙天下況際纖雲盡卷空未滿冰  
匳纔雨夜移牀就月蔬果陳瓶中幸有拋青春閉門底用覓他  
客對飲恰好成三人塞山萬里清如此碧玉巉巖照窗几自笑  
平生空好游未免此身在泥滓我欲提攜赤藤杖躡空飛步青

雲上瀛洲攬取玉膏來一醉應勝千日釀爲樂何須竹與絲中  
年陶寫笑羲之好將今夕灤河月說與京師兒輩知

讀唐人小說感賦

繡服琵琶鄙右丞日華再放笑於陵那知塗注皆并定李揆何  
曾一字能

避暑山莊南書房作

塞山殘月正中天癡覺雞人未曙先睡美平生何處足紫陽山  
館四三年

當年山水興方滋過眼鶯花遽幾時漸覺齊竽吹已涇欲將剩  
錦乞邱遲

頻歲長楊扈屬車懷鉛握槧更囊書臣心猶有童心在未忘髭  
鬢上學初

絕無人到榻常虛只有清風掃直廬貪戀

君恩不知老青鐙細字映窗書

柳下疎簾屋幾閒牆頭山色翠屏顏散朝車馬紛如織身與閒雲自在還

承德平頂山與八溝近上多花艸有蛺蝶五色具備土人于長夏撲而乾之鬻以充婦女首飾戲成二律

蘧蘧栩栩是耶非照眼仙衣五色輝不枉一生花底活依然萬里癡中歸恥隨妝閣金錢化甘竝釵梁玉燕飛憐爾不從文豹

隱留皮徒欲媚閨幃

北戶錄鶴子艸春生雙蟲土人收於匭粉餉之蛺蝶爲蝶女子佩之如細鳥皮號媚蝶

已幸生從絕塞山無端撲取恣人看不知文采誰先見遂使巖巖避亦難天近霜寒應作繭春深花好莫成團輕盈殊覺風流甚也學書蟬徹骨乾

十月十五日蒙 恩遣戶部左侍郎臣禧恩 頒到

御製養福增壽扁額一面銅佛一軀如意一柄珍翫九

事大緞宮綉各九端 賜臣鉞生日先是正月

上垂詢臣鉞年齒生日臣鉞奏云今年八月五日七十

上以是時臣鉞方扈從灤河 命移于

萬壽節後故拜茲 寵錫殊恩異數榮幸非常恭紀此

詩

帝增神筴六旬年 光逮微臣莫景延典禮新從秩宗後 壽

尊親捧

玉皇前臣鉞先於九月廿九日拜禮部尚書之命十夕陽向晚

霞偏綺冷蕊先春花獨妍敬繹

天題披左氏福須自養節須堅

大司農盧

蔭傳

前輩復得先世所藏瑞雪圖卷子屬題

珠還劍合事之偶楚弓楚得知誰某何如家傳畫卷二百年異  
代依然落吾手君家先世侍御公歸隱南邨號病叟花木曾開  
尊水園法書名畫尋常有茲圖藏弄在啓禎小印朱文鈐卷首  
籤題珍重付裝潢鑒賞傳觀示僚友定爲宣和院體筆發自雲  
西知白口

曹秋岳溶有跋謂是宣和院畫

不知何日到長蘆大父官齋再題後

君大父雅雨先生於乾隆壬申越年復得之長蘆運使署中有跋

越六十年今復歸將毋神物爲

世守過眼雲烟去又還印泥鴻爪留仍久況經五世到羣仍自

應十襲逾圭卣今幸瑞雪喜連番開幘清光正三九是中林壑

足樵漁想見春明富花柳小閣人圍煨芋爐淡堂羣飲茅柴酒

凍觴鷗鴉兩岸聞玉山合沓千尋陡濟南風景似江南畫筆描

摹能肖否君如重關德水園我願先持除雪帚經營池館似圖

中標識牙籤排座右讀畫看山不計年消寒痛飲奚論斗更遣  
仙官敕六丁通靈不許開廚走

嘉慶己卯冬十一月有 詔漢大臣年六十以上曾賜  
禁中騎馬者許肩輿入直恭紀

優老

聖恩覃肩輿顧影慙光榮逾賜杖安穩勝乘籃未敢逢人下須  
妨離立參休忘奔走地筋力尙能堪

嘉慶庚辰春奉 命主試禮闈事竣示榜首陳繼昌及  
諸進士

抗顏又復忝爲師慙媿文衡五度持敢望精彊誇考閱不將虛  
濫負 恩私花經灌溉開逾好楊中多山東甲子癸酉順天府  
子諸科及視學山西所取士

魚自淡沉得乃奇幸免劉幾肆喧闐端由得失寸心知

羽衛森嚴麗景暄

君王策士曉臨軒文章上應魁三象城闕喧傳孟四元

金孟宗獻發解

第一及府試省試廷試皆第一時號孟四元今科狀元陳繼昌以癸酉科本省鄉試第一中本科會元其童試亦以第一名入學

故相清芬流後裔

繼昌爲故大學士陳文恭公宏謀元孫

太平盛事重詞垣兩

朝四十年重見好續羣書紀

聖言

乾隆辛丑科錢榮以三元及第高宗有御殿傳臚詩今上恭依元韻有書香傳世德詩韻闡先言之句真異

數也

填溢都門聳衆觀聲華豈僅勵儒冠階榮紫綬金章易報稱

君恩祖德難珍重許身如稷契從容披腹獻琅玕輝光照我尤清切謬廁春官復考官

受舉酬知事本非得人職在貢彤闈惟期桃李成秋實豈爲

桑榆綯夕暉學術要從經籍蘊科名莫與事功違十洲總是羣



仙住未必蓬山景特希

午日園居對雨期趙舍人榮不至

新篁解籜戎葵華秀野何減山人家衰年獨處苦岑宗佳節轉  
憶兒孫譁片雲西來黯庭戶待客飯期已過午呼僮洗酸泛菖  
蒲移榻當窗看新雨

六月晦日劉吉士

師陸

招余偕祁編修

鶴藻

田吉士

嵩

年

何孝廉

耿繩

崇效寺納涼次去年看牡丹韻

都門涼宇多歸僧與僧結夏夫誰能久思古寺暫避暑怡來嘉  
約歡然興山門綠暗樹如幄竹院紅溼花交媵頓遣平頭罷搖  
扇儼離裸壤思來繒自從五月苦炎熱如坐深甑遭炊烝有時  
入夜大雷電疾風猛雨相憑陵朝來蘊隆略如昨日極禪閣無  
由登何期四子有同契合并令我煩懷澣惟餘知舉留憾事獨

遺表聖慙王凝

今春主禮閣劉田皆登第獨失耿繩

牡丹作花事已往秋葉又落

情難勝

是日立秋

浮生小聚類萍梗流光過眼如風鐙夏涼寒燠衆

所願造物伊誰云愛憎浮瓜折藕且取適穠穢觸熱宜爲懲試

披畫卷問朴老幾人來此招涼曾

寺僧藏盤山朴公青松紅杏卷子國初漁洋竹垞諸老

題者不下百餘人

次韻吳太守

雲

同年見贈

于湖烟水劣能容慙媿苔磯釣者恭羨子一麾旋解綬休余廿載未歸農才疏老負

新恩渥詩好情因舊雨濃最是寢同時洛誦警心何異五更鐘

平生頗解笑容容機汜雖衰敢釋恭與我周旋難任我若農力

穡不如農醉辭焚尾醒終易寒戀斜陽睡莫濃何日與君共歸

舫寒山真聽寺樓鐘

辛巳九日招集何孝廉耿繩張舍人祥河和編修鶴藻

吉士劉師陸田嵩年小飲餘清齋次吳文定文溫州九

日唱和用潘邠老滿城風雨近重陽首句詩韻

滿城風雨近重陽何意晨曦照滿堂有興登高挈壺榼阿誰好

客慕原嘗花饌切玉陵峯蟲盆桂舒金傲菊黃檢點舊圖思往

事眼中久不見王郎嘉慶壬申與王子卿田季高及兒輩分詠重陽節物並繪圖爲卷今子卿遠宦江西

不見者六年矣

滿城風雨近重陽破例秋晴急掃堂招致門生謀一醉摘來園

果與分嘗觴無苛政休浮白蟹已朝魁可擘黃獨惜恩恩縱歸

騎惟留廊月對田郎

十九日招集何孝廉耿繩張舍人祥河陳修撰繼昌編

修徐法績和鶴藻許乃普陳鑾吉士劉師陸田嵩年再

飲餘清齋作展重陽仍用前韻

勅廚設饌展重陽不樂空歌蟋蟀堂笑問客年生卷後合圖子

夜記吾嘗

時出乾隆戊戌九日登高合圖卷子示客座中九人尚未生

駒光過隙空留白眉

色懷歸邇得黃輪與能詩張博士真堪八采傲盧郎

張舍人前後和韻適

得八篇

居然甲第擬南陽

蒙恩賜宅地安西堂子胡同

卻恨無人治北堂公退看

花惟獨對朋來得酒喜同嘗催詩畏見雲頭黑卜晝無煩燭淚

黃爲遣哀情尋樂事不妨知覺到兒郎

歲暮襟感

蒲褐何須苦坐禪起居不用法神仙今年新學林和靖多買梅

花伴獨眠

稻雞肥嫩尙鮮新菜菔如丸顆顆勻鄉味緣何當食歎可憐無

復勸餐人

直歸何以慰閒居  
蹙遣孤懷強讀書  
冷暖自知誰理會  
此生直箇是鰥魚

獨擁重衾聽漏殘  
四更霜月耐人看  
笑他小宋情癡絕  
半臂雖多卻忍寒

左把詩囊右酒尊  
終年歡意畧無存  
近來一事差堪慰  
新染青

衿付兩孫

安桐安輦同案入學

壬午孟陬下澣招集諸同年春酌蔣光祿

祥輝

有詩次

韻

歸耕早起力田科  
富貴從知春霧婆  
一夕江干呼臥起  
廿年禁近負恩多  
搏沙小聚星餘斗

同年在京者僅七人

逝水流光箭激波  
且

其歡顏酌春酒  
弄黃楊柳漸阿那

次韻辛太常從益同年

枯槐壓屋未全科閉戶新居林行婆老去同年難其聚忙中暇  
日苦無多春筵草草空浮蟻好句諠諠寄衍波持誦詩箋笑開  
口真成引飯一維那

三十年前老甲科不須鑷白早成婆居然拔十猶存五庚戌延試十

卷今惟太常與石琢堂蔣丹林王蓮府及鍼五人在耳所媿君才勝我多氣得神仙標峻

望疏因軋茁挽頽波先生磨勘試卷有正文體疏載科場條例重來好爲除花徑轉

眼春風一剎那

次韻葉給諫繼雯同年

醫國醫人豈異科按經切脈傲耆婆思澄車給三騶重韋述胸  
藏六典多官比鮎魚難上竹心如古井不生波著書教子餘無

事蘭玉階庭樂有那君近注儀禮

題顧定之破窗風雨圖

爲大名劉易作  
上有楊鐵崖題

一竿破空梢不見兩竿夾之與風戰兩竿欹倒頭強低勁節不  
爲風雨變森森玉立五君子葉葉有聲盡東指縱橫使轉類草  
書濡染淋漓溼滿紙劉君避地仍讀書破窗風雨榜所居定之  
借竹寫以贈會稽老鐵題其圖吁嗟此圖畫史無萬竿煙雨胡  
爲乎試請鐵崖吹鐵笛應有蟄龍飛霹靂

寄葛秋農

去

竹林縱飲吾曾與親見同傾一石來

秋農爲冬邨姪曾  
對飲一甕不醉

聞道阿

咸豪未減糟邱猶可築爲臺

晨晷夜鯉亦何奇但出家庖百味宜未識東坡能有福重來飽

噉煮黎祁

切豆腐方寸許煎以深油令透仍襟以蔥筍煮  
之謂之東坡豆腐秋農叔母詹夫人最擅此味

吳子華

文桂

以鉞

嘉慶庚申所畫溪山春雨便面寄書

因題

不見吳生已廿年重看畫扇記前緣溪山春雨應如昨爲想三

峯一黯然

三峯閣子華所居嘉慶辛亥春曾信宿其上

閒中窈窕來山館老去情尤倦友生山抹微雲看更好卻因玉

潤憶冰清

子華爲巴子安壻子安下世三十年矣

馮明府

宸

以王

翬

臨黃子久富春山圖寄贈題以奉懷

卷首王時敏溪山真意八分四字後王攄長歌一首有石谷丹青天下無之句未潘耒跋云丁未冬梅邨自吳門來出其所摹大癡富春山圖又云石谷畫不易得梅邨從之游處累月始獲此卷

馮君寄我富春圖出自石谷手所摹首題四字煙客書八分頗

具唐規模稼堂跋尾康熙初梅邨與處日月徂始獲此卷攜歸

吳長歌讚歎王公攄謂是丹青天下無紙橫二丈縱尺餘瑩潔

絕無寒具汗流傳癡翁筆簡疏真蹟久化桓元廚皴法出緻墨



不枯大異膺鼎空郭郭岡重澗複通樵漁山茨水檻松徑紆  
有野老邛竹扶似赴邨社尊酒呼誰爲富陽誰桐廬清暉一例  
皆可娛我曾錢唐溯嚴衢泛槩幾度孤篷居躑躅照眼霞光舒  
畫眉到耳歌喉如又曾值雪當歲除光搖銀海眇模糊船窗就  
買寒鱖魚醉倒金華酒幾壺廿年不見空踟躕正如故人隔江  
湖武昌執手纔須與金門失候王喬臯乾隆甲辰冬曾與君遇於武昌前年君來京師又復往還相左懷人看山百感俱故人適宰山水區君現宰衛之江山縣  
寄我此圖有以夫昔游青鬢今白鬢黃塵撲面皺且癯好山無  
限幽懷孤掩卷南望惟欷歔

### 入夢

入夢尋常事連宵入夢奇相看衰病質忽幻少年姿執手若爲  
別歡言有所之生天定何處使我涕漣漣

次韻煦齋司農惜驄馬

幾警豈論程長驅直抵京龍媒嘶日影人海沸歡聲事定方知  
力功成屹不鳴英姿誰得似赳赳類干城  
蜿蜒上雲程知誰控玉京黃金埋駿骨碧玉識蹏聲畫手開生  
面詩歌假善鳴至今有生氣掣電記傾城

送陳編修鑾典試浙江

三年席帽甫離身遽賤皇華作使臣惟浙多材掄不易責賢者  
備鑒宜真敢期琪樹全歸網但要冰心可照人使署倘過尋再  
到爲題叢竹證前塵

杭州學使署中有再到亭三十年前  
余從先師朱文正公幕中舊游地也

送陳修撰繼昌典試陝西

家世三朝舊科名第一流持衡新寵命建節古秦州鏡影無  
私蓄珠光忌暗投聰明復精銳慎莫憚冥搜

講德四人共雄鳴二子先

田季高鄂復亭陳玉生及君今年皆課藝於臺齋田鄂例不與試玉生使

浙君使陝可謂一時盛事

文章有聲價職業在精專驛路河汾雁關門華嶽

蓮酒邊聽道古期爾小春前

送許編修

乃普

典試河南

棣華次第詠黃華星使何緣聚一家

先是令兄青士桂海虞衡侍御典試廣西

應有志嵩山玉鏡本無瑕五經夙擅時爭譽三秀分榮世更嘉

庚辰與試者僅一甲三人皆蒙簡放

我是種芝老園客逢人那得不矜夸

八月十八日夜試院不寐次壁間明人取士詩韻呈同

事諸公

古屋潭潭夜漏深窗高喜見月華臨不圖三宿來桑下又與羣

英集桂林

嘉慶丙子鄉試庚辰會試及今壬午鄉試凡三膺主試之命

山石莫教輕獻璞淵

魚端欲靜鉤沈須憐零落研朱字中有殘杯冷炙心

學海何緣測淺深朱衣誰見暗監臨試觀千古文章事便是當前得失林勒帛劉幾仍獲雋附書殷羨亦終沉魂清骨冷渾無寐未忘秋風瑣瑣心

次韻卓京兆

秉恬

疊辛巳閨中詩韻見贈

遞來篇什重琳琅次韻坡仙獨擅場夜鯉晨昂勞饋食朱萸黃菊正重陽經旬紙落雲煙散明日風傳姓字香多恐馬前有懷璧仗君莫遣從人忙

德清蔡明經

壽昌

年少多材有終賈之譽

鉞

主京兆試

失之用東坡送李方叔詩韻作詩二章以自訟

眇者聞鐘以爲日周人得璞苦不識焜煌苦惹絢東籬誰解黃花爲正色我覓君文不可得閉戶自撾還自責欲求協律按詩歌乃反當前失龔德君才浩瀚如奔川王楊盧駱爭後前闔風

元圃行看到不乞還丹自得仙

憶昔舟過德清日英氣充閭先暗識不圖二十有八年忽現清  
光靚顏色遺我瑤編讀未終持衡倏有司文責入場私喜挾所  
有方欲誇張以爲德明珠的的在深川璇源載折采不前懜懜  
探梅願終負令人慚媿淳熙仙乾隆乙卯過德清舟中有句云  
上梅卽指君家淳熙老梅也君先育長歌  
見贈且索昔淳熙梅花老屋扁額故云

癸未正月四日同年團拜蔣光祿祥墀次婆字韻作詩

索和

眼中子弟半登科失笑承天似嫺婆

庚戌年家子擢大魁者二  
人登甲乙科十數人是日

在京者  
皆侍坐

記詠霓裳彈指過相憐鶴髮滿頭多移牀就客歌從誤

把琰臨風酒欲波誰是明堂清廟器佇看摘藻續猗那

落鐙日澄懷園直廬偶成

三年重埽舊巢痕，叢竹依然綠映門。  
知被主林神暗笑，爾時直伴幾人存。

直廬依舊似僧廬，一穗香銷一卷書。  
說與闍黎差有別，齋廚何肉未全除。

程中允

思澤

祁編修

雋藻

初直澄懷園唱酬有作次韻

友朋聚散等循環，水石三年此暫閒。  
當日園林窮勝事，幾家池館占清灣。  
客來盡作金閨彥，我老難回白髮斑。  
賴有新詩賡二妙，相從把酒對西山。

何人爲我賤刀環，窈裏家園廿載閒。  
雲外青山原有宅，水邊沙夏已成灣。  
野蔬入饌溪毛碧，好雨尋春屐齒斑。  
歸興無端濃似酒，吟肩不禁聳如山。

讀程祁兩君詩乃知班誤押斑再次前韻

舍南舍北水周環退直禽魚態亦閒邀飲畧同春社聚買鄰祇  
隔石橋灣何人科目俸伊呂小技文章笑馬班未敢便爲投老  
計惟慚終日面青山

無求不羨鄭人環難得浮生半日閒折簡自知非謝朓題詩誰  
解重王灣芹芽竹筍猶鄉味文史笙竽若是班領取一杯歡意  
足從君子細說黃山

是日中允  
治具邀飲

清明日張舍人

祥河

以乃祖文敏公雍正壬子怡園看

花詩卷見贈

張生遺我司寇書乃是怡園看花作其年壬子值清明高會林  
亭張宴樂公詩再和凡三篇顧天成索重書已十年牽連舊事更  
番跋公時歸省顧歸田座客傳觀手不置屋角山桃解人意似  
憐今日亦清明也吐新花爲公嬾公書北海詩東坡端莊剛健

復婀娜試看紙上龍蛇動想見尊前慷慨歌平泉花木憑誰記  
賸有唐堂幾行字棖觸同宗同歲人我亦今年七十四前輩黃  
跋時年七十四天風吹客聚蓬瀛接席南齋盡後生歎息怡園芳草沒  
於今九十一清明

澄懷園直廬不到三年矣竹樹如故海棠作花尤盛招  
春浦季高賞之

種花三載前看花三載後就中海棠種最先一再移根廿年久  
南苑五日扈從回東風一吹爛漫開書生饑眼獨驚絕亟招賓  
客尋尊疊坐翫行看歡不足旁觀有人笑捧腹金張邸第雲錦  
堆十里濃香出牆屋一株能得幾回看欲倒臨池屋數間那有  
長檠照清夜強搜詩句聚酸寒我老此生不能佚花下高歌安  
可得雨濕燕支無處無回首江南但空憶



三月下旬扈從香山南書房直廬感舊示春浦李高兩

編修

扈從來香山稅駕山人家山人空所居納我馬與車中堂屋三  
楹畫幃橫窗紗樓臺列空際松翠飛檐牙庭前亦光潔盆盎羅  
鮮葩薛荔綠上牆若榴新有花安牀置羹飯信宿亦足嘉

香山此直廬我曾百日宿直伴閱三人眠食兩間屋

自嘉慶辛酉以來廿

有餘年扈從皆宿於此合計之蓋百餘日矣三人謂先後同直者趙謙士秉冲姚秋農文田吳鶴人信中

茲來境地

分析居非我欲人三文爲衆況有同行僕朝餐就兩君舖食慰

我獨夕陽半在山帶緩鞵脫足歡然大三昧且盡杯中醪

直廬舊有桑童童蔭西牆今來失其陰謂爲蟲所傷憶昔甚熟

時羣鳥爭來翔啗之或不盡滿地流紫漿門前馬纓花初至如

我長轉瞬二十年高可二丈強相彼木榮枯我胡昧行藏對山

搔白髮耿耿摧中腸

癸未三月晦日蒙 恩賜軍機大臣南書房翰林 御

園牡丹人各二朵恭紀

中使傳呼笑語譁 御園宣賜牡丹花分來鞋玉人雙朵供入  
銅餅香滿家沆瀣未晞凝曉露綢繆不散擁朝霞寄言直伴須  
珍重莫作尋常國色誇

送馮

登府

吉士出宰將樂卽題其一勺園圖

佳乎吏也君家風壯夫何必爲雕蟲神山風引況已到底須戀  
此崑崙宮方今朝廷急循吏八閩郡縣尤繁雄側聞將樂治尙  
易格鬥不與漳泉同君家油拳舊出紙此邦製造今猶工我請  
卽以紙喻政要以潔白明其衷簾紋灰性固宜斥漿礮蠲染皆  
人功盪瑕滌垢淨如拭春膏水玉光而融廉方有體更緊密朽

蠶詎敢從中訂政成百幅或可授願乞一角隨郵簡吾衰尙能  
作細字爲君孺筆書諭蒙畫圖涉趣且姑置未應先擬柴桑翁

癸未仲秋七日

上幸萬壽山玉瀾堂錫宴十五老臣賡歌圖繪以彰盛  
事敬和 元韻恭紀

蓬萊宮殿雲中藏雲開日上何滄涼琉璃萬頃曉煙濕瑤林四  
面屏風張

聖人萬歲山萬壽與天合德徵自強顧茲黃髮十有五 詔令

侍宴來銀潢

唐魏元忠有銀潢宮侍宴詩

天子曰咨汝國老若爲稷契爲班揚召工一貌惟肖寵以

睿藻縣周廊小臣聞

命驚且喜九拜踧踖行

玉篇勛勳遽也又走

貌備員禁近廿四載夙夜深媿詢謀臧吾

皇卽事仰繩武香山舊典循

軒黃昔廿七人今過半重許畫筆摹長康六十三年兩遭際隆

辛巳

高宗純皇帝舉九老之會分文臣爲一班武臣爲一班致仕者爲一班共二十七人勅畫院繪圖並賜游香

山後先暉映承天慶何期蒲柳廁松柏趨走恐後敢或違履道

尙齒皆致仕耆英資聖矜年長集賢奉詔像曾寫是時居易年

方剛

白居易爲翰林學士時曾奉詔寫真於集賢殿御書院時年三十七晚歲爵齒臣適合香山

居易時以刑部尙書致仕所慚蹇陋孤恩光茲圖宗藩實領

袖下泉蕃長兼龍驤精神顧盼頗矍鑠彩服綵繡光華彰廣張

芳筵賁珍綺宣傳茗椀浮旗槍更孺天筆錫天壽用勗仁

以爲紀綱願合千百十六歲永永無極獻我

皇

慈闈春暉麗萬古並臻百福流滂洋天顏有喜民氣樂垓塏

歲歲歌豐穰

丹林光祿以余生日用婆字韻作詩見贈次韻答之

面皺頭童竟日科果脣空說似頻婆謬承畫像衰難稱重辱詩

篇媿愈多

八月七日蒙壽山玉欄堂鉞忝與焉詩來齒及慚媿滋甚

恩繪十五老臣像錫宴萬

莫景飛

騰非曙色百川浩瀚已秋波惟期一醉謀良夜老圃黃花晚則

那

擬約諸同年小聚扈從移居大內已在十月中旬矣

陶中丞

勘災蕪湖王太守澤

以看花懷人圖索題中

丞賦詩寄示次韻奉答

中丞遣我書一紙開緘讀書蹶然起寫出哀鴻中澤聲落我此  
身江縣裏江縣茫茫無計旋流亾滿眼圖誰傳虔州老守乞身  
退獨抱寒骨參梅仙餐花索句憂無年懷人不歸心黯然蹉跎  
久被梅花笑信宿兼慳主客緣中丞檠戟臨江靜破甕深憐爨

煙冷荒政經營賴富公  
媿我司農但空領噓枯  
吹生非公難明年麥飯  
定堪搏軒車倘過經行  
處花發江城春不寒

癸未九日扈從靜宜園  
有旨命惇親王定親王  
御前大臣軍機大臣南  
書房翰林十人從游香  
山又以臣振鏞臣鉞不能騎馬許由平陸步行不必遠涉山徑殊  
恩異數感激恭紀

西園眺香山晨夕面巖壑  
層阿鬱深松煙寺隱叢  
薄譬彼窮窳姿掩映在  
紗幕昨朝扈宸游直舍  
窗櫺拓近前看分明清  
高隔寥廓何期語屋山  
送喜來乾鵲有詔許游  
歌軒舞樂莫樂又蒙念  
衰羸不令騁矍鑠安步  
以徐行勉學山中鶴老  
骨深恩珍重養腰腳

九日游香山恭紀

十人步騎判游蹤九日登高 詔許同草木皆香名恰當溪山  
無盡畫難工懸洪雨濺琉璃碧絡樹花濃薜荔紅卻喜蓬瀛身  
已到丹房窈窕曲能通

徐秋山先生自夔州告歸招集陳繼昌修撰許乃普陳

鑒田 尚年 編修奉陪小飲卽席賦呈二律

七十歸田禮亦宜笑他平子復奚疑卅年車馬從人役一室琴  
尊好自怡脫險喜辭夔子國朗吟聞憩呂仙祠先生自蜀歸道  
經邯鄲有呂仙  
祠詩 最工應憐衰老身難退插腳紅塵沒了期

巾車攜幼到茅堂門下門生互捧觴在昔慚爲孟之反於今翻

作魯靈光鐵鄉薦名在榜尾先生門  
下官於 朝者僅鐵一人暮年師弟情逾摯舊政謳

歌去未忘宰先生曾  
宰天長得酒便思勤問字不妨退直趁斜陽

盆中山茶盛開因憶蕪湖赭山下生生園一樹最古余

兒時猶及見之今園基人並不能指其處臨江淨寺亦  
有一株高丈餘後爲江水所浸沒今不見五十年矣追  
念昔游感賦此篇

生生園裏山茶樹樹本輪囷中梁柱兒時大父攜往觀今併園  
基不知處臨江淨寺花亦妙寶珠如火光四照試院聯吟曾幾

時

管松崖師爲中江山長曾以淨寺山茶歌命題余詩最爲激賞

惜爲江潮沒泥淖竭來京輦

買唐花頻年時復見山茶老本縮將供几案溫房深護避風沙  
妖紅幾朵開能久歲尾年頭誰與偶借得山梅一瓣香消我嚴  
寒幾杯酒一回相對一傷神那能不憶江南春五十年前花在  
眼可憐已屬寢中身

京師米貴民食爲艱市有掘野菜鬻爲盤餐者感歎成  
此



長腰狼戾付中廚那計翳桑有餓夫我比太倉鼠尤碩歲糜三百斛明珠  
苦茶甘薺綠潛滋無數哀鴻待療飢寄語茶傭休掘取今年此  
味不須知

二月二十日扈從南苑卽事

扈從春蒐後屬車西園南苑路非賒綴枝未見飛紅糝點地俄  
驚有玉沙是日微雪獵騎驕嘶鳴得意歸鴻緩度樂還家煙寒霧斂  
旌門近十里長楊一道斜

子卿太守自贛州歸葺湖上廢園爲張于湖祠仍榜其  
堂曰歸去來賦詩見示嗣聞其應紫陽山長之聘惜不  
能常此安居也作此寄之

仙人舊築無何有太守新營歸去來風輕湖亭溪鵝下雨晴僧

院海棠開園蔬最憶雞腔筍家釀誰傾卯幕杯多謝池臺爲虛  
左白頭神往亦悠哉  
子卿名其園曰希右園東偏舊有左園近亦求售來書云欲畱以待余

歸田已遂藍田隱宦海翻成黃海游四面雲山應好在卅年朋  
舊具存不漁梁春水誰呼渡蓴菜秋風欲買舟遲我小園來作  
賦移桐壘石且淹畱

三月十三日奉 詔芳碧叢看玉蘭分體應 制

退 仗傳宣 禁籞來松陰竹徑路縈回三株琪樹干雲上萬  
朵瓊葩映日開香和金鑪煙篆細光凝瑞砌雪華皚無邊春色  
誰摹寫婢乏鄒枚作賦才

色如碧玉氣如蘭搓粉凝酥秀可餐種向蓬壺稱高潔開先桃  
李耐春寒百年雨露蟠根久一幃徐黃落墨難須識樹人如樹  
木莫孤 恩許近臣看

園居漫興

池柳含煙色尙輕園居倏已過清明集成樹罅芻尼隱水暝橋  
陰科斗行退直嬾從閒客話答書老忘後生名龍鍾枉被青山  
笑縱有田歸不耐耕

臥佛寺

殘月淡無影雞鳴天欲曙深谷藏招提一徑入雲路古柏森兩  
行清香發朝露我佛疲津梁頗識臥中趣應憐塵世勞半爲黃  
梁誤風旛裊鑪煙散入杪羅樹

園居初夏

水竹三分屋官私兩部蛙園林忽初夏歲月此浮家麥好頻占  
雨風狂更挾沙白頭都白盡底用祝蒼華

欲續河渠志當稽貨殖書金錢誠不惜潢潦孰爲除築室謀夫

易多言政事疏澤鴻方

軫念努力莫攸居

足民

寫端陽節物

富民

作江鄉五日襍憶詩十首命題

其上書三絕句

簫鼓中流泛畫船繁華不復似當年也知歸去渾無賴寫出鄉風卻可憐

爛煮鯽魚炙子鷺尊前盤饌互駢羅而今亦頗饒滋味爭奈衰顏不肯酡

階庭蘭玉本難期解弄柔豪便不癡但媿傳家無長物一枝畫筆幾篇詩

晨餐

朝光晃林薄衆綠凝夏寒微風入疎櫺逼我衣裳單撫時當暄

妍何由怯羅紈新荷出水遲紅藥翻階殘中田麥青青千邨忍  
飢看媿我不耕食居然又農餐

晨餐亦已飮鼓腹行中庭庭中宋無人無由知郊坰哀鴻方噉  
噉側耳誰爲聽退食家有園高樹圍深青鷺鷥厭嘉穀僮奴飽  
侯鯖徘徊復徘徊汗出顏爲赭

池上襍興

掃石臨池坐迎涼送落暉近人花先去折高樹鳥爭依響澀蟬  
新蛻行徐鷺息機清談擅名理誰是謝宏微

雲際禽投囷以九淵潛魚中又觸機猶不免甘餌復何嗟露瀉  
蓮衣淨風過柳綫斜舉頭見新月水木更清華

古柏若老衲新篁如少年自饒瀟灑致能結歲寒緣遠客慵非  
傲耽書老亦捐平生愛閒靜不是性情偏

樹啄巧攻蝨池鼃怒作聲大都貪所得豈有假之鳴俗累羣情  
擾心空百趣生鋪牀涼意足高枕寢魂清

太和宮瓦研歌

秋山先生見遺

太和山高峯尊爲太嶽自永樂上有二十七峯三十六巖二  
十四澗壑下有滄浪之水清且漪北流灑灑繞山脚廟祀元武  
七星爲真君宮殿岩堊光煜燭不知何時墮片瓦矜奇獲自好  
事者鐫鑿凹凸製爲研墨審淋漓恣揮寫卻惜流傳不逢嘉靖  
年用草書祠助嚴夏吾師脫贈俾臨池摩挲一再興嗟咨既不  
能濡染大筆作天篆又不能橫飛丹墨充符師祈請上帝年穀  
熟風雨時訟獄衰息民無疵滿頭白髮兩目眇頽然一變形支  
離有時心孔開描模山水姿有時直休暇雕鐫成小詩端溪數  
寸足安用盈尺大研爲矧茲瓦厯歲五百地位清高絕人跡靈

風神雨久漸濡土蝕苔發光澤天陰雨濕生煙雲尋常敢近  
中書君好蓄榴皮濡醉墨遲彼朗吟飛過之仙人

南武奉祠圖

侯官李

鴻瑞

宰新陽有惠政歿而崑新之民共立祠於

卜山祀之其詞

彥彬彥章

繪圖乞詩歌以美之

兩漢循吏十有七立祠祭祀纔五人絃歌而薦已寥落況合兩  
邑爭明禮李侯所莅交愛親奉嘗惟謹爲崑新崑新治伊何慈  
明政不頗訟牒立剖除煩苛獄無冤濫民氣和民病蘇侯病甚  
病劇猶言治未竟星餐露宿吳松江瘦骨何堪秋暑橫方今東  
南水利興理水何人得水性開通漚瀆達三江安得起侯再爲  
政嗚呼安得起侯再爲政

李著有吳中田賦考三江指掌圖

君不見崑新之民

頌侯德送者千人路爲塞如此好官難再得又不見大兒翰林

公小兒中書君孝曾閔才淵雲連年取科第祠下椒蘭芬侯有  
後民歡欣賢哉賢哉歌雁門我作此詩一笑侯應聞

陶中丞

湖

奏靈璧縣馬山湖蝗子萌生湖大水深不可

撲滅縣令黃

光裕

雇鴨四千隻啖食悉盡宿州灰古堆

亦多蝗孽州牧蘇

元瑞

馳往惟見青蛙無數吞食靡遺

不假人力又懷遠縣西界有鳥數萬啄飛蝗一日而盡

先是中丞率屬禱於劉猛將軍廟故有此異

上覽奏嘉悅親書神參秉昇扁額俾懸於廟以答神貺

鉞

忝鄉人爰作樂府二章以當神祠迎送之曲

啖啖復啖啖湖塠四千鴨四千鴨何來縣君雇以充輿儻馬山  
湖中有蝗子朝生暮孫生不已半在湖中半泥滓足亦不能爲  
之駐朴亦不能爲之弭縣君惟曰鴨可使啖啖復啖啖湖塠淨



如洗我願宥此鵬勿令供刀匕縱之江湖中俾食天下之螻子  
有貓有虎胡媿彼

青蛙來聲何喧野鳥集鶩若煙鳳類之閉蝗出土五日不滅生  
翅股蛙閣閣烏喙喙吞之啄之一朝夕微神之力胡及焉將軍  
主之宋無言將軍宋無言中丞禱孔虔惟神能弭患惟神錫豐  
年微神之力胡及焉中丞上其事

天子顏有喜濡染大筆榜其宇自今以始歲其有君不見蟲鳥  
效靈有如此

八月十三日命

少民歸蕪湖

新治城南宅一廛爲圖寄我亦欣然小園欹側八九丈此屋辛  
勤三十年列架要容書萬卷拓窗須對月當天呼兒料理急歸  
去早晚江船會有緣

嘉慶己卯秋蘭陽儀封之閒河決有少婦赤身抱兒墮

中流下絰樹而止儀睢丞吳

茂楠

合健卒擲衣拯之婦

不顧抱兒復自沈時文太宰

子

以刑侍督挑引河作詩

紀其事閱六年道光甲申出稿見示讀而哀之爲賦此

詩

誰謂河水濁不能清我心誰謂河水廣不足當我襟我襟河伯  
礪我心河伯臨相彼鳥有羽乃得棲高林相彼魚有鱗始免泥  
沙侵吁嗟裸露生曷若隨波沈全家沒洪濤獨活情何任懷中  
呱呱兒激蕩聲已瘖姑章幸不遙翻身相追尋龍堂倘相見猶  
愈商與參傷哉此溺婦永作女史箴感歎賡此詩淚下難爲禁

送葉廉訪

紹本

之任粵西

羨君此去勝驂鸞道出衡湘洗眼看桂嶺雲開花爛漫珠江秋

淨月團樂升年舊隸神仙籍萬里新義解鴈冠遙想邊民咸向  
化時平耕鑿久相安

祁學使

駕藻

自永順寄贈溪州銅柱記搨本用昌黎石

鼓歌韻作歌報之

祁生寄我銅柱記並示所作銅柱歌竹垞跋本不可見流傳知  
復藏誰何諛辭駢體書無法工鑄豈解工虞戈是時馬氏奉晉  
朔憑仗大劔能橫磨溪州諸蠻不量力牂牁象郡罹矰羅居然  
開府學貞觀十八學士義冠義就中宏臯彼燕許勒銘立柱埋  
巖阿上鑿忠成作烈祖下恃武穆靈護呵王者之師不血刃夜  
郎自大相欺訛殷老昏耄已不振妖蟆多子皆爲蝌希範奢淫  
希廣懦希夢之性如蛟鼉獅子咋人大霧塞衆駒爭棧維枯柯  
桓文之業坐自棄傳國三世如薜榦當年倘其復唐祚蠻夷不

失爲臣佗洞庭雖大竟飲馬九龍殿祇藏姪娥高丁不生拓跋  
廢那禁涕泗交湧沱茲銘士愁乞歸順飲血設誓方求和本州  
賦租許供贍但能恭順無徭科皇天后土指爲證戰功亦自矜  
爲多沅湘之間俗尙鬼卻異秦詛欺亞駝可憐蠻觸互爭地朝  
晉暮漢匆匆過那知堅金屹不壞詎比骨角堪刮磋煌煌信誓  
文未滅武陵誘賊興鯨波異哉師杲卽蠻子瞋目叱賊如廉頗  
異人歸明轉不肯操戈兄弟誠非他鈍夫可笑亦可憫不除不  
遜何媿嬰欲比馬人畱不得惟餘銅柱供摩挲祁生視學到沅  
澧暇取金石閒披哦健筆匪惟勝鸚鵡文陣直欲陵鸞鷟蠻荒  
遺蹟費搜討沉浸雅頌陳猗那願招諸生論道德上繼白鹿師  
尼軻相思二載不得面魚書時復羈山河江郎才竭況衰老賦  
詩遠報仍蹉跎

道光三年秋元氏縣邨農掘地得唐建中二年賈夫人墓誌末有後一千三百年爲劉黃頭所發十一字與掘者姓名適合攷建中二年辛酉至今道光三年癸未僅一千四十六年數稍不符然術亦奇矣今清河道陶樑任眞定太守時拓得數本分寄都下爲賦此詩

道光三年秋七月元氏縣民力耕堡舉鉏得石方尺五目不知書況碑碣碣上縱橫若有文里儒傳觀詫異聞淨洗苔花辨波磔知爲唐瘞賈夫人夫人諱嬪適於李李尉宣州死無子大歸從弟歿縣舍從子爲銘誌終始千卅六年藏諸幽墓久犁盡爲平疇阿誰術比京郭儔預知發者劉黃頭黃頭拊掌作癡語何事我名先入土區區片石復何好重費諸君指畫肚鎮州太守好事者椎拓題封致日下墨池要令續新編魚書不憚分明寫

我聞此事未足奇二王墨妙已有之曹娥當墮江中日保母先  
知出土時乃知世事皆前定鍾君著錄安能盡唐鍾輅有前定錄儒生  
信理不信數索隱何須極幽夤笑他碑攷徒硜硜妄冀流傳刻  
鑒評爭似耕夫不識字卻有千秋身後名

題顧少司農

皐

水竹柴門圖

略徇柴門一徑分簷簷滿谷綠如雲平泉多少名花木畢竟風  
流讓此君

交柯亂葉莽縱橫湖月林風相對清怪底先生工墨妙韞材今

復聚彭城

顧善畫竹

歸聽秋聲亦大難爲圖聊復畫中看荷鉏何日從君後乞我琅  
玕三兩竿

放翁已未歲暮詩七十六年將到時余明年正七十有

六因用其句賦詩三首

七十六年將到時面皮雖老未衰羸登盤乾肉齒能決倚壁枯  
藤手不持貪買殘書如鬥草廣儲名藥當求醫直歸火急尋娛  
樂頗類邨僮放學遲

七十六年將到時幾人曾見壽期頤等閒白髮從誰惜叵耐青  
山不我思廢學老難忘炳燭近名性尙愛吟詩冬來腰脚還堪  
詫行步如飛亦自奇

七十六年將到時祇生歡喜不生悲驚黃濃瀉女兒酒瓠白肥  
烝菓子狸左右唐花任紅紫尋常鄉味總精奇劇憐歸念如彊  
弩一觸機張括便馳